

嘉靖建陽縣志

天一閣藏明代方志選刊

建陽縣志

一九六二年四月上海古籍
書店據寧波天一閣藏明嘉
靖刻本景印原書版框高二
一·〇公分寬一三·七公分

建陽縣志序

國家郡邑徧天下各有紀志史氏
之遺也第創者約而弗精續者廣
而弗要史法胥悖誌無足徵焉建
陽素號劇邑賴多文獻風猶可想
也舊志旣毀弘治間區君廷璋氏



一嘗梓之見趙左史序矣閱歲寢
久廓而增之時也前諸君多欲刪
訂而意未就斗山馮侯蒞治幾五
稔通才敏識百廢具興間語凌以
纂脩志事予曰盛舉也宜亟圖之
侯博謀於學宮偕盧生秉義余生

鏗輦日夕編摩本古司馬氏編年
法侯躬取折衷勒成一家之言因
以首序見屬凌獲縱觀作而曰志
殆有深意乎夫昔稱名邦政教之
良也建陽代相沿革其無政教之
善澤乎政立而位著恪故作職官

年表二教行而英雋拔故作碎舉
年表二以定封域則山川美風俗
淳以準治署則戶賦均儲恤豫以
隆學校則祀典秩藝文著以辨雜
體則古今証常變陳是故作十志
而政教之名攸有專屬矣然賢者

著述之功可與世並而三代以下
之才罕得其全是故作朱蔡二世
家人物列傳一百六十五而政教
之迹間亦散見矣夫志志邑也貴
該而博或失則瑣貴質而當或失
則俚今鉅細有錄而事必核于實

體裁有法而義不詭于經。媲美良
史。擅勝名邑。廣錫以貽惠。章往以
詔來。作者之用心。何勤已哉。使後
之覽斯志者。惕然思曰。職官歷年
莫知其幾。而宦績傳所載。卓卓者
如彼。辟舉歷年亦莫知其幾。而儒

林傳所載耿耿者亦如彼多寡臧
否凜乎可畏益爲深長懼矣所藉
政教之善有光信史以續之無窮
者其在斯志也夫其在斯志也夫
賢侯之功可勝既哉侯諱繼科字
肖登廣之番禺人文學理法咸精

其能良政貞教既惠陽人復作志
以懼陽邑之後人甚盛心也凌生
長茲邑誠懼無似為鄉評辱幸側
名志首謹述懼心冀後之君子咸
所鑑慎副侯雅意云諸輯紀者姓
氏則既列于卷端矣

賜進士第奉議大夫陝西按察司僉
事前戶部員外邑人龍岡朱凌撰

建陽縣志書序

郡邑之有志邦國之有史志史之名雖殊所以記其事者則一而已肇自西漢之班馬其來也遠邑之有志夫豈無所自乎予建陽據八閩之上游爲一郡之首邑九峯山色高聳雲中兩坊書籍通行天下

乃文公講道之鄉非他邑所可及也邑舊有志板行已久湮沒少存以故天文之災祥地理之險易邑治之訟革官制之繁簡戶口之登耗人物之賢否吏事之得失人皆莫有知者近雖奉

詔增修又未梓行大是一欠事茲者

縣尹區公下車以來政通人和即
欲檢而行之厥工告成之際謂予
生斯長斯而又粗知數墨猥以前
序見囑併以凡令政有可取或遺
之而未載或載之而未悉者皆得
以備及之予何人斯辭以弗獲竊
惟文獻足徵志之在所必有不信

弗從志之不可以無示世傳達固
有不可誣者端在是矣先是作縣
者第耳之而未見予自識事以來
目所擊者如汪公律展拓街達以
廣民居張公津重築城池不勞民
力龍公韜殺錦江之射而縣治以
安海公澄革嬖人之髻而風俗以